



Komunikado

19 di òktober 2018

CAft: Ekonomisashon struktural entre otro den gastu di personal ta nesesario pa por yega na finansa públiko sostenibel

Oranjestad – Pa por yega na finansa públiko sostenibel, CAft ta konsehá pa bini ku ekonomisashon struktural den e presupuesto. Den e próksimo añanan e gastunan lo oumentá komo konsekuensia di oumento di interes i kompensashonnan pa disponibilitat di Public-Private Partnerships (PPP). Pa por logra redusí e kuota di debe, ta nesesario pa yega na surplus riba presupuesto den e próksimo añanan. Den e kuadro aki ta inevitabel pa strukturalmente redusí e gastunan di personal.

Pa por yega na finansa públiko sostenibel, Aruba mester redusí su gastunan strukturalmente. E proyekto di presupuesto di 2019 ta kumpli ku e norma presupuestario antisipá di -0,5% pa 2019. Sinembargo den e añanan despues e norma ta subi yega +0,5% i 1%. Banda di esaki e gastunan di interes ta oumentando pa motibu ku e debe di gobièrnu ta kasi 90% di GDP i na nivel internashonal e tasan di interes ta subiendo. E kompensashonnan pa disponibilitat pa e proyektonan di PPP tambe ta bai oumentá konsiderablemente den e añanan ku ta bini. Si e ekspektativa di entradanan mas haltu, bahada di gastunan strukturalmente ta nesesario.

Redukshon di gastunan di personal di Aruba ta un manera nesesario pa por yuda hiba e pais mas dilanti. Den e proseso di skucha tur dos banda (hoor- en wederhoor) anteriormente den e aña aki, un di e tres rekomendashonnan di CAft tabata pa redusí e gastunan di personal di manera struktural. E gobièrnu di Aruba a presentá un plan, a base di kua e gastunan di personal lo baha den 2018. Tambe pa e añanan 2019 i despues, e plan ta muestra redukshonnan di e gastunan di personal. CAft ta indiká na gobièrnu ku minimalmente e ambishonnan den e plan aki mester keda realisá. Ta nesesario pa tuma medidanan struktural. CAft ku interes a tuma nota di e propósito di e gobièrnu pa reformá e sistema di impuesto, kual ta hopi antikuá.

CAft ta enfatisá ku ta di gran importansia pa gobièrnu di Aruba i konseho di Minister di Reino promé ku fin di e aña aki yega na un akuerdo tokante di e kuadro legal di supervishon pa e periodo entrante 2019. Esaki ta un rekerimiento pa CAft por duna un konseho riba e presupuesto aprobá. Pa aña 2019 te ainda Aruba ta apliká un norma presupuestario di 0,5% di GDP i ta e porsentahe aki CAft a usa den su evaluashon di e proyekto di presupuesto. Banda di e konklushonnan ya mensioná, CAft ta pidi pa traha tambe un kuadro di mas aña pa 2020 i 2021 i pa adaptá e prognóstikonan di impuesto den e proyekto di presupuesto conforme e loke por spera realístikamente a base di e realisashon di e aña aki.

Den e último dianan aki CAft a bishitá Aruba aki. E bishita aki tabata e promé di Señora Hellen van der Wal i Señor Henk Kamp komo miembro di CAft. Señora Van der Wal ta miembro di CAft riba proposishon di Aruba i Señor Kamp riba proposishon di Hulanda. Tur dos a tuma asiento den CAft entrante 1 di ougùstùs 2018, ku Raymond Gradus komo presidente. Manera ta usual durante e bishitanan di Kolegio na Aruba a hiba kombersashon ku Gobernador, Minister di Finansa, Asunto Ekonómiko i Kultura, Konseho di Minister i e Komishon di Finansa, Asunto Ekonómiko i Organisashon Gubernamental di Parlamento. Tambe CAft a bishitá Banko Sentral di Aruba.

[Fin di komunikado]

Fotógrafo:

Erik Boeldak

Teksto pa foto:

Redukshon di gastunan di personal di Aruba ta un manera nesesario pa por yuda hiba e pais mas dilanti.



Nota pa redakshon – no pa publikashon

Persona di kontakto na CAft:
Sekretariado di Kolegio di supervishon finansiero Aruba
Manus Twisk - Sekretario
Telefòn (+5999) 461-9081 / (+5999) 461-9082 / (+5999) 461-9084
Email info@cft.cw
Internet www.cft.cw

Persona di kontakto pa Prensa:
Jefka Martina
Telefòn (+5999) 512-6861